

廣西名勝志卷之十

閩中曹學佺能始撰

左江土司

潯州府轄 武靖州舊為上隆州

南寧府轄 歸德州 果化州 下雷州 忠州

太平府轄 太平州 思城州 安平州 萬承

州 上下凍州 鎮遠州 都結州 全茗州

茗盈州 思同州 龍英州 結安州 信倫州

思明州 羅陽縣 陀陵縣

直隸布政司 思明府 下石西州 江州 羅

白縣 利州 思陵州 龍州 憑祥州

武靖州在潯州府城西二十五里地名碧灘成化

三年總督韓雍以其地為藤峽要害立州治時上

隆州土官岑鐸犯大辟下獄奏宥其罪遷其部兵

二千人世掌武靖州事設流官吏目一員尋復移

置崇姜大宣二里間為蓼水北岸乃繁荆竹踏梅

嶺大冲諸山要路也地廣土沃袤連大同鴨化足

以控制諸蠻岑鐸死子玘無嗣部兵漸散正德十

六年議以田州府岑猛次子邦佐繼之時僅有部

兵五十人嘉靖五年猛亂安置邦佐漳州七年總

督王守仁撫平田州奏復邦佐知州事邦佐益無忌憚占管狼家為部落以睚眦懲噉諸徭攻墮營壘日兵死者二百餘人時左副使翁萬達參議田汝成言之督府數邦佐諸罪狀謂宜逮治削職以武靖州改為武靖千戶所推賢能軍職一人掌管以平南桂平桂貴縣三縣狼家屬之提調編為保甲其於計便督府不從按今邦佐之嗣已絕潯州府通判權知州事狼兵歸之桂平平南貴三縣俱如翁田二公議

歸德州在南寧府城西二百五十里東西北三面俱抵思恩界南抵隆安界宋熙甯中置隸邕州元屬田州路洪武二年上官黃隍城歸附授知州以流官吏目佐之

果化州在府城西北四百餘里東抵隆安界西抵上林界南抵太平界北抵思恩界宋始開置果化州隸邕州元屬田州路洪武二年上官趙榮歸附授世襲知州以流官吏目佐之按已上二州俱弘治間為田州所侵錄因改隸南寧

忠州在府極西宋建隸邕州元屬思明路明興因之上官黃姓其先江州之族有黃威慶者率子中

謹歸附投厥慶江州中謹忠州各世襲知州設流
官同知吏目佐之數傳至黃賢相先是有四峒者
介于南寧恩明忠江兩州之間恩明忠州屢肆占
奪嘉靖間副使翁萬達議改峒名四都隸南寧地
方稍定隆慶三年冬恩明府土官黃承租奏取四
都地賢相遂爭之擅立總管諸名目分兵數千戍
守因縱令縣剽掠^村為禍甚烈僉事譚惟鼎謀之
方伯郭應聘應聘曰是可開取也永康縣典史李
材者有謀略時署邊隆寨巡簡隸忠州惟鼎屬之
以寨人覃惠內及材子夢辰潛入州中數往來買
易盡得其親近狀態重賞聞之其部下頭目傲思
蒙裕輩苦賢相虐願內應惟鼎密為手書論二十
四村及四寨頭日程秀等令號召鄉兵擒獻賢相
諸所蓄積金穀器物悉聽自取而邊隆峒土官黃
一元者素善賢相惟鼎度賢相必求救一元責之
尤謹計既定惟鼎令材等集兵三千有奇擁迫近
地內兵遙望之以為官兵至爭取財寶馬匹四散
遁去賢相勢窮挈印奔四寨四寨村老就賢相語
曰官家速主甚急當詣官聽理賢敬歔泣下自取
孔雀血入酒飲不死材督諸鄉兵追至會黃一元

兵亦至遂擒賢相及州印以督備指揮吳世勳鎮
 四都都民復業如故賢相斃于獄議設流官不果
 督府奏以州屬南寧令州印給賢相子有漸襲
 下雷州在郡極西東抵龍英界西抵交趾界南抵
 安平界北抵湖洞寨宋元為下雷州 明興印失
 廢州其洞在湖洞寨屬鎮安府至峒長許永通調
 征在功始給冠帶傳許世烈許國仁繼襲峒事嘉
 靖十四年得獲舊印國仁子宗蔭襲宗蔭父子屢
 立戰功四十三年改屬南寧府宗蔭死子應珪襲
 萬曆十八年以地逼交南奏陛下雷州降印授應

珪土判官設流官吏目佐之

太平州在太平府治西北八十里東抵左州界南
 抵崇善界西抵安平界北抵養利界舊名瓠陽為
 西原農峒地唐為波州地宋置州隸太平寨元隸
 太平路我 明因焉其山則坡高龍蟠板棧巖榜
 其水則有邏水隴水教水皆入左江洪武元年土
 官李以忠納土歸附授本州知州設流官吏目佐
 之

思城州在府治西北一百里東抵養利界南抵大
 平界西抵安平界北抵下雷州界亦西原農峒地

也唐置州隸邕州宋分為上思城下思城二州隸太平寨元至正間仍併為一州 明興因焉其山有邑白山龍級山隴馬山晉眉山弄限山其川曰流水入于左江洪武元年州酋長趙雄傑歸附授世襲知州以流官吏目佐之

安平州在府治西北一百里西抵龍州界東抵思城界南抵太平界北抵交趾界舊名安山為西原農峒地唐置波州宋皇祐間析為安平州隸太平寨元隸太平路 明興因焉其山曰顯山星山養山帽山其川曰大水小水合流入于左江洪武初

土官李郭祐歸附授世襲知州以流官吏目佐之萬承州在府治東北一百五十里東抵養利界西抵龍英界南抵思同界北抵陀陵界舊名萬陽為唐置萬承萬形二州隸邕州宋省萬形入焉隸太平寨元隸太平路我 朝因之其山曰馬安山香壽山連山武安峒其川曰綠降水咈黎水合流入于左流江洪武初土官許國安歸附授世襲知州流官吏目佐之永樂間征交趾死于軍子永誠襲上下凍州在府治西二百二十里東北抵龍州界西南抵交趾界舊名凍江置宋凍州隸太平寨元

分上凍下凍二州隸太平路尋合為一隸龍州

明興隸府其山曰青連山八峰山拱嶺山其川曰

大源水流入左江洪武元年土官趙帖從歸附錫

印授世襲知州以流官吏目佐之帖從死子福瑞

襲永樂四年征交趾死于軍

鎮遠州在府治東北二百八十里東抵信倫界西

抵向武界南抵結安界北抵果化界舊名古龐宋

置州隸邕州元隸太平路 明興因焉其山曰筆

架山天馬山洪武初土官趙勝昌歸附授世襲知

州以流官吏目佐之

都結州在府治東北三百三十里土官農姓洪武

初內附授世襲知州設流官佐貳與鎮遠等州例

同

全茗州在府治北一百六十里東抵茗盈界西抵

龍英界南抵龍州界北抵萬承界舊名連岡為西

原地宋置隸邕州元隸太平路 明興因焉其山

曰端坐山獅子山其川曰濶水入于左江洪武初

土官李添慶歸附授知州以流官吏目佐之

茗盈州在府治北一百六十里西抵全茗界南抵

養利界東抵萬承界宋置隸邕州元隸太平路

明興因焉其山曰帽山獅山其川曰澗水入于左江洪武初上官李鐵釘歸附投世襲知州以流官吏目佐之

恩同州在府治東二百里東南抵羅陽界西抵萬承界北抵永康界舊名永寧為西原地唐置隸邕州宋隸太平寨隸太平路 明興因焉其山曰舊明山中有巖相通曰敦厚山馬鞍山金星山壽桃峰又曰頓笏峰以其形似笏云其川曰綠零水入于左江洪武元年黃克嗣歸附投世襲知州以流官吏目佐之

龍英州在府治北二百一十里東抵養利界西抵上峒界南抵交趾界北抵向武界舊名英山宋為峒元為州隸太平路 明興因焉其山曰筆架山巖山其川曰通利江源有三合流入左江洪武元年上官李世賢歸附投世襲知州割上懷州地入其版圖以流官吏目佐之

結安州在府治東北二百二十里東抵都結界西抵鎮遠界南抵龍英界北抵侏倫界舊名營州為西原農峒地宋置結安峒隸太平寨元改為州隸太平路 明興因焉其山曰石人山石牛山其川

八
曰堰水流入左江洪武元年土官張仕榮歸附授
世襲知州以流官吏日佐之

信倫州在府治東北二百三十里東抵都結界西
南抵結安界北抵鎮遠界舊名那兜為西原農峒
地宋置安峒隸太平寨元建為州隸太平路 明
興因焉其山曰倚坐山其川曰哱卑水流入左江
洪武元年峒長馮萬傑歸世襲附授知州流官吏
日佐之

思明州東抵思明府西抵交趾界南抵西平州界
北抵龍英州界宋置州屬太平寨元屬思明路其

山曰逐象山其川曰太子泉土官黃姓與思明府
同族洪武黃鈞壽歸附授世襲知州屬思明府後
因黃蛟煽亂改屬太平 論曰黃蛟神姦也身道
大^蓋世濟其兇而傳及四世猶併思明州而有之
王法幾以不振矣何失其柄取委其銜甚者為其
餌而陰庇其私尚可謂中國有人乎承祖雖有罪
然思明州故其屬也爭地以戰上下相夷乃削土
官之地昇其爭奪之下邑體統已紊彼安能俯首
而甘心者始謀不慎反以釀爭悲夫竣事詳思明
府下

羅陽縣在府治東二百里東抵西寧界西抵陀陵
 縣界南抵大江界北抵宣化縣界舊名福利為西
 原峒地宋置隸遷隆寨元隸太平路 明興因焉
 其山曰青山白虎山其川曰駝排江入左江洪武
 初土官黃宣歸附授世襲知縣以流官典史佐
 陀陵縣在府治東一百四十里東抵羅陽縣界西
 抵養利界南抵大江界北抵思同界舊名駝陀為
 西原農峒地宋置隸古萬寨元隸太平路 明興
 因焉其山曰漆涇山那寔山駝陀山其川曰瀾水
 入左江洪武初土官黃富歸附授世襲知縣以流

官典史佐之

思明府古百粵地東抵廣東欽州界西抵交趾界
 南抵思陵州界北抵江州界漢屬交趾郡唐置思
 明州隸邕州宋隸永平寨元改思明路其山曰回
 國山風門嶺摩天嶺其川曰明江有土官黃忽都
 者為思明總管洪武元年忽都歸附詔改思明路
 為府錫印授世襲知府設流官同知佐之子廣平
 襲廣平死無嗣弟廣成襲廣成死子瑯襲其庶兄
 瑯亦以捍禦功累遷都指揮使守潯州景泰開瑯
 老以庶子鈞襲瑯子鈇怨問計於瑯瑯欲因而併

之遣子震偽徵兵於思明夜襲瑯鈞殺之歸報於
鉢已而又圖奪嫡都御史李堂誘瑛鉢執之震與
子紹奔龍州鉢死於獄郡人立鈞子道襲瑛度不
得免時 純皇帝在東宮 景皇帝有子曰見濟
瑛遣人入京先賂用事者乃具奏請立見濟為皇
太子 景帝大悅時藤峽賊方職職尚書于謙奏令
瑛赴軍前討賊立功瑛以功進都督未幾 英皇
復辟瑛自殺命發棺鞭其屍成化年間總督韓雍
捕震誅之 炎微紀聞云至今人言易儲事謂肅
愍公卷舌而不諫殆有甚焉而其子孫作家狀亦

云景皇帝大漸時肅愍草疏請復辟欲上而不果
是殆為其祖父文過語正不當以也肅愍豈其憤
耶所見或有一道焉第大學士陳循因夷酋之議
而承以為功肅愍不為開陳大體何也其後鍾御
史同章儀制綸廖少卿莊相繼請復儲被杖瀕死
目之遺烈可勝誅哉

下石西州在思明府治西宋分石西州置屬永平
寨元屬思明路洪武二年土官官閉賢歸附授世
襲知州以流官吏目佐之

江州古百粵地東抵忠州界西抵龍州界南抵思

明府界北抵太平府界漢屬交趾號江陽宋置江
州隸古萬寨元屬思明路 明興因焉其山曰波
漢山其川曰綠眉水歸安水入于左江土官黃威
慶歸附授世襲知州以流官吏目佐之改直隸布
政司 羅白縣在江州治東北宋建屬遷隆寨元
屬江州其山曰羅高山其川曰龐來水流入左江
洪武初土官梁敬賓歸附授世襲知縣敬賓死子
復昌襲永樂間從征交南被陷于福里襲
利州古百粵地東抵泗城界西抵安隆界南抵田
州界北抵永寧州界漢屬交趾號版麗莊宋建利
州隸橫山寨元因焉其山曰白鹿山其川曰版麗
水潑泓水土官岑姓者洪武初納款授知州以流
官吏目佐之隸布政司正統間知州岑顏奏本州
地二十五里泗城知州岑豹興兵攻占勅廣西總
兵官柳溥等及三司御史親詣其地諭以利害令
悉還所侵豹不奉命顏復請于朝第行鎮官開諭
耳豹終不悛攻殺岑顏及其子得奪去州印遂以
流官判官管州事數十年間屢經諸司劾奏移檄
遣官督追歷岑應岑接二世如故嘉靖二年田州
歸順那地土官岑猛等興兵攻泗城破其州擒岑

接殺之督府遣官按問追出州印覈其宗枝無可據者印發賓州貯庫地方兵民歸併泗城州

龍州古百粵地東抵太平府界西抵上下凍州南抵思明府北抵安平其山曰馬傾山曰秀巖其川曰龍江漢屬交趾宋置龍州隸太平寨元大德中陞州為萬戶府洪武初土官趙帖堅歸附授世襲知州以流官吏目佐之帖堅死無嗣姪宗壽襲已而鄭國公常茂以罪謫龍州納帖堅女為妾擅州事茂病卒宗壽以聞有人告茂匿龍州未死者詔總兵官楊文征之宗壽赴闕伏罪遂罷征宗壽死

子景昇襲景昇死無嗣以叔仁政襲仁政死子南傑襲南傑死子源襲源死無子庶兄浦有二子長相次楮相當立楮妬之謀岑氏以僕韋隊子璋說云遺腹而岑氏兄子猛方熾楮遂奏言璋實源子當立為相所篡事下督府未決璋賂鎮守太監傅倫舍人王祥說云有制猛偽檄調兵二萬人送璋入龍州左江大震相挈印奔泥村都御史楊旦討璋猛殺之相乃歸相二子長燧次寶相枝樹寶亦枝樹相絕愛之曰肖我當立猛乃以寶去髡為奴嘉靖元年相死州人立燧楮裁之州人立其族弟

煖時王守仁提督兩廣幕客岑伯高幸用事楷賂伯高言煖非趙氏裔當立者楷也遣上思知州黃熊兆霖之熊兆黨伯高言楷當立以州印畀楷楷遂殺煖大亂州目黃安等潛往田州購寶寶時為奴楊布家十三年矣安等行百金購得之言之督府都御史林富謂楷勢已張毋持之急乃令楷攝職俟寶長讓之楷復時時謀殺寶富諭楷令以印還寶寶謝以五千金益以腴田三十一村楷計寶弱易與不_應如厚利而徐圖之遂聽命楷復求韋璋之子應育之令往來寶所寶妻黃氏思明府土

官黃朝女也_戴于寶而與應通應乃厚結州目及遣人向武州乞兵自樹寶日荒悍刑妓男子王良為閹楷知良恨寶欲使內應良許之楷以千人夜至寶寢門呼良良開門納楷兵執寶寢所斬之以他盜聞應以兵千人架據州治并結黃朝自授都御史蔡經謀副使翁萬達圖之萬達謂楷狙詐未可達圖韋應翼煖寡慮可旦夕擒斷其中堅然後可次第獲督府善之萬達行部至太平使人以他事召黃朝諭之計論應論死時諸言楷事者故不為理州人大譁萬達愈辱楷時時稱楷勇冠軍可

當一面楷信之遂統精兵千人詣萬達言狀并以
三十一村地獻萬達留語旬日楷寢慰弛不為備
部兵多以乏糧遣歸萬達召楷及州自鄧瑀等入
見伏壯士劫之曰汝罪滔天宜自為計楷死官必
及汝子可為書諭汝黨勿亂楷自分必死乃為書
諭其黨曰業已如此亂無益也可善輔我子以存
趙萬達即杖楷斃之以楷書諭其州人時楷子匡
時生四年矣立之一州悉定乃以十三村還龍州
十八村隸崇善縣 論曰按永樂間三將軍問罪
安南由龍州度憑祥用扼交人之吭最後安南納
款叩關謝罪纍纍請命則二州同中國之藩籬亦
入交之門戶也黎賊父子血染劍鋒莫氏主臣面
縛道左州無老少能傳其事至于今為烈哉州與
交人小有反唇莫不感舉英國之問罪司馬之受
降用以屈伏其口彼亦北望鎮南之關如在天上
豈金湯之是憑殆文武之繫賴耳登昭德之臺者
其有遐思哉

蘇潘土司志總序曰兩江路舊為荒服唐太宗
時諸夷內屬始置竊摩州縣隸於都督府以其首
領刺史宋參唐制析其種落大者為州小者為縣

又小者為峒推其雄者為首領籍民為壯丁以蕃
籬內郡其首皆世襲分隸諸寨總隸於提舉元豐
以後峒酋多寄內地納粟授大小使臣或敢詣闕
陳利害至借補閣職與帥抗禮為招馬官者尤與
縣相狎子弟有入邕州應舉者招游士多設耳目
州縣文移未下已先知之與騎居室服食擬于公
侯其州縣雖曰羈縻然租稅不供威令不行寨官
非惟墮不舉職且日走峒帥之門握手為市即提
舉亦不復威重與之交關通賄其間有自愛稍欲
振厲諸峒必共汙染之使以罪去甚則醜焉故曰
黷貨則玩玩則無震非虛言已元以左右兩江羈
縻州縣俱屬南寧帥府分司管轄而上下相通姑
息尤甚我朝受命兩江土酋東泝交關西緣牂
牁際滇之廣南莫不納土歸款願貢方物恐後
朝廷第因舊疆稍稍增置省各府州縣其長吏令
世世相傳諸佐與屬並為銓才郡有丞州有目尉
絕者始以流官代焉大都矜彼歸正恢我包荒納
土則受請示則遣令無頗覆羈縻勿絕而已聞有
調發勝兵奉檄連伍解嚴還部輕者資文極重者
錫冠裳願屯種者予之膏腴且耕且守所以馭諸

酋之法其約束甚堅而緩柔亦備至矣間有桀驁不逞跳梁繩墨猶諄諄文告待其不悛然後加兵姑以岑氏論如思恩之濬田州之猛泗城州之應及接不數年相繼夷滅甚則覆其宗殄其子孫矣夫夷俗剽悍如鷲與狼急則相擊爭則相噬天性固然但彼既投簪纓換爵土力足以當生殺財足以侈上供養尊處優令諸部落莫敢叩視彼亦視中國之予奪為戚所榮辱豈願其子若孫中道而殄哉故華以夷為監亦自相監此前事之師已顧議者謂太平諸夷土惟而兵微一有不逞可更而

置其勢甚易若思明田州諸司封疆袤於內地士馬雄于近郊其制馭甚難欲稍倣賈生眾建之議因其勢而瓜分之斯不亦却顧哉然而未易言也西南土司與交州為隣交人所以俛首顛顛不敢窺內地者以上酋兵力之強足制其死命也若自弱其兵輕撤其陣恐中國之邊患有甚於土司矣夫夷無常順亦無常逆惟視吾馭之何若余觀往牒國初諸土官奉約束一微召惟恐不前正統以後浸淫桀驁視文告若土苴則馭之得失異也國初以重典懲貪人人重自愛故威令易行其後

吏道雜而多端中涓武弁視土官為外府而墨吏以漁人收之即襲一職進一階未有不以賄行者故土酋亦輕中國視若無人徵發不以時至擅自攻殺無虛日我一有警又不得已藉之為聲援我日益弱夷日益橫如奉驕子養潰靡欲其不決裂不可得已昔胡端敏守太平而諸土酋畏之若神明愛之若慈母則馭之道得也夫豈獨太平然哉

